

تورکیا بو یوک ملت مجلسی

ضبط

آلتمش سکزنجی اجتماع

مندرجات

خیانت وطنیہ ایله محکوم اشخاصہ عائد عدلیہ انجمنی مضبطہ لری،
خانت وطنیہ قانونک سکزنجی مادہ سنک تعدیلی حقندہ کی لایحہ قانونیہ نک مذا کرہ وردی ،
قانون جزانک قارک منعه دائر اولان مادہ سنک تہ بلنه دائر لایحہ قانونیہ نک مذا کرہ سی .
ادارہ عمومیہ ولایات قانونک ۱۰۲ بجی مادہ سنک تعدیلی حقندہ کی قانونک مذا کرہ وردی ،
مجلس ادارہ اعضالینک ویرکو قیدندن استئنالرینه دائر اولان تکلیف قانونیک مذا کرہ سی،
وان ولایتندہ ایبی ناحیہ نک لغویله یرینه ایبی ناحیہ تشکیلنه دائر اولان قانونک برنجی مذا کرہ سی .

برنجی جلسہ

رئیس : رئیس ثانی عدنان بک افندی

کاتب : راغب بک (کوتاهیہ)

۲۹ آگستوس ۳۳۷ بازار ایرتسی - ساعت - ۲،۳۰ - صکرہ دہ

رئیس — او باشقه مسئله افندم .
افندم بو مجاہدہ دہ ثبات ایلمسنہ دائر ولایتدن
تلغرافلر وار، آرزو ایدرسه کز او قویہ لم . یوقسه دیوان
ریاستجہ موافق جواب یازدلمی ؟ (جواب یازلسون
سسلری)
رئیس — افندم بعض عدلیہ انجمنی مضبطہ لری
برقرارہ ربط ایلمک ایچون انجمنہ اعادہ ایلمشدی .
انجمن شمدی اوکا قرار ویرمش اونلری او قویہ لم .
عدلیہ انجمنی مضبطہ سی

خیانت وطنیہ دن مظنون علیہم اون بوزقیرک قارت

رئیس — جلسہ بی آچیورم . (ضبط سابق خلاصہ سی
قرائت اولوندی) افندم ضبط سابق حقندہ سوزا ایستہ بن
واری ؟ ضبط سابق عیناً قبول ایلمشدر .
عثمان فوزی افندی ایله رفقاسنک قوچکیری
حادثہ سنندن دولایی موقوف بولنانلرک حقوق عمومیہ
جرائمندن عفو لری ایچون بر لایحہ قانونیہ لری وار . لایحہ
انجمنہ کوندریورز .
حسب بک (مرعش) — ثلاث مدت جزائیہ لری
اکال ایدنلر حقندہ دہ بر عفو لایحہ قانونیہ سی دہ واردی
اونکله مذا کرہ ایده لم .

رای عالیکزه وضع ای دیوروم . عدلیه انجمنی مضبطه سنی
قبول ای دنلر لطفاً اللریخی قالدیرسون . (قبول ای دلمشدر افندم)
عدلیه انجمنی مضبطه سی

خیانت وطنیه ماده سنندن مظنون علیه اولوب
عدالمحاکمه قونیه بدایت محکمه سنندن اعدامه محکوم
ایدیلن ایلغین قضا سننک شیخ وفا محله سنندن آتیقه جی
قوبو یجی اوغلی خره لامبوس حقه سنده کی ۷ مایس ۳۳۷
تاریخ و ۱۸۱ - ۲۷۷ نومرولو اعلام و اوراق متفرعه سی
انجمنمزده تدقیق و مطالعه و کیفیت مذاکره اولوندی .
مرقوم خره لامبوسک ایلغین حادثه عصیانیه سنه اشتراک
واسباب خصولانی تأمین وعصاتی تحریک و تشویق ایلدی
حقه سنده کی فقره حکمییه ده موضحاً محرر اسباب ثبوتیه
قانونیه تأمین قناعته کافی وحکم واقع اصول و قانونه
موافق کورولمش اولغله تصدیقی خصوص سنک هیئت عمومیه یه
عرضه متفقاً قرار ویرلدی سا ۱۹ آغستوس ۳۳۷

اعضا	کاتب	رئیس نامنه مضبطه محرری
حقی حامی	آنطالیه	جانیک
اعضا	اعضا	احمد نافذ
مرعش	مصطفی حلی	رفیق
حسب		

رئیس — سوز ایسته ین واری؟ (خبر صدالری)
مضبطه یی رای عالیکزه وضع ای دیوروم . قبول ای دنلر لطفاً
الریخی قالدیرسون . (قبول ای دلمشدر)

افندم! روزنامه مذاکراته کچمه دن اول برشی عرض
ایده حکم : معلوم عالیکزه هر محاربه ده بورایه کلن مجروحینی
زیارت ای دوب مجلس نامنه دیوان ریاستجه مناسب هدیه لر
کوندریلور . بو سفرده یکی محاربه لر دن برچوق مجروح
مجاهد لر من کلوز . تنسیب بیورورسه کزدیوان ریاستجه
بونلری ده زیارت ایده لم . طبیعی هدیه یاره سنی آرقداش لر
وبره جکدر . آرازده تقسیم ایده رز . (قبول ، موافق
صدالری)

برمبعوث بک — دیوان ریاستدن محدود آدم کیدیورور .
اوج کیشی ، بش کیشی ؟

قریه سندن حسن اوغلی کور عبداللهک اعدامه و خطیب
اوغلی نام دیگر طورمش اوغلی خواجه و عبدالرحمن
اوغلی منلا محمدرک فرعاً ذی مدخل اولمزلندن دولایی
مؤبداً کورکه قونلرینه دائر قونیه بدایت محکمه سنندن
صادر اولان ۱۶ مایس ۳۳۷ تاریخی و ۳۰۵ نومرولو
اعلام و اوراق متفرعه سی انجمنمزجه تدقیق و مطالعه
و ایجابی مذاکره اولندی .

محکوم علیهمدن حسن اوغلی کور عبداللهک برنجی
قونیه حادثه زائله سننده دخی علاقهار اولوب دیوان
حر بجه مؤبد کورک جزاسنه محکوم ای دلمش ایکن بیوک
مت مجلسنجه عفو ایلدی بیکی حالد صوک حادثه دخی
بالفعل مدخلدار بولندی فی فقره حکمییه ده موضحاً محرر
یولنان اسباب ثبوتیه قانونیه دن آکلاشیلمش وحکم واقع
موافق اصول وقانون کورولمش اولدیغندن مرقوم حقه سنده کی
حکم اعدا ک تصدیقه و دیگر محکومان علی خواجه ومنلا
محمدرکده کور عبدالله معاوانته مرقومک فعلنده فرعاً ذی مدخل
بولند قونیه دار کذلک دلائل کافی قونیه موجود اولوب
آنجق قانون جزانک فرعاً ذی مدخل اولانلره دائر بولان
قرق بشنجی ماده سی مندرجا سنده : اعدام جزاسنه لایق
اولان فاعل اصیلره فرعاً ذی مدخل اولانلرک جزاسی
اون سنده دن آشغی اولماق اوزره موقت کورک ایکن محکمه
مرقومانک مؤبداً کورکه محکومیتلرینه قرار ویرلسی
موافق قانون اولدیغندن حکمک بوجهته عاقد قسمی رفع
و مرقومانک کور عبداللهه مستمرراً و متوالیاً معاوانت
ایللری خصوصی اسباب مشده دن عدایدیلرک اون بشر
سنه کورکه قونلرینه قرار ویرلسی خصوص سنک هیئت
عمومییه عرضه متفقاً قرار ویرلدی .

اعضا	کاتب	رئیس نامنه مضبطه محرری
سینوب	آنطالیه	جانیک
حقی حامی	خلیل ابراهیم	احمد نافذ
اعضا	اعضا	اعضا
مرعش	نیکده	قونیه
محمد حسب	مصطفی حلی	رفیق

رئیس — سوز ایسته ین واری؟ او حالد مضبطه یی

اولدینی حرکاتدن دولای نه ایچون د بکری متأثر اولسون .
 حالبو که بویله یایمق ایجاب ایدیور . بز بوکا خیانت
 وطنیه قانونندن زیاده سیاست نقطه نظرندن بو صورتله
 حکم و بریوروز : بوکی شیلر مجلسدن چیقماق لازمدر .
 سوکره آرقداشلر مزدن بهضیلری بنه چکن جلسه ده دیدیلر که :
 دیگر جنایت محکمه لرینک اوروقی فصل محکمه تمیزه
 و بریور ایسه ک بونی ده او صورتله ویردم . دولتک امنیت
 داخله سنی اخلال ایدلره قارشی نیچون بویله احکام
 جزایسه من بولدیغی حالده آیری بر قانونز یاییوروز ؟
 و علی الخصوص صرف بو قانونی تطبیق ایتمک اوزره نیچون
 آیروجه محکمه لره کوندرمک کلفتی اختیار ایتدک ؟ بناء
 علیه بنده کزک قناعتجه مجلسک هیئت عمومیه سنه کله میدر .
 چونکه تدقیق ایتمک قابل اولامیور . لکن مجلسک
 خصوصی برانجمنده می ویاخورد عدلیه انجمنده می قاله حق ؟
 نه صورتله اولورسه اولسون... ذاتاً پک چوق آرقداشلر من
 وار که بر چوق انجمنلره داخل اولمامشدر . اونک ایچون
 بنده کزک قناعتمه کوره هر حالده هیئت عمومیه سنده بیله
 تدقیق اولمازسه عدلیه انجمنجه تدقیق اولنمی لازمدر . بنه
 بنده کزک قناعتمه کوره کذلک محکمه تمیزه بر اقامه میدر .
 چونکه بوراده دخی سرعت لازمدر . بر محکمه تمیزه
 کیده جک اولورسه اورایه دیگر بر چوق یرلردن اوراق
 گلشدر . محکمه تمیز اولنرک تدقیقیله می احتفال ایده جک ،
 یوقسه بونک تدقیقیله می اوغراشه جق . حالبو که جزانک
 آغیر اولمسندن زیاده سرعت لازمدر . بردقه محکمه
 تمیزه باقسون دیمش اولسه ق طبیعیدر که دیگر مصالح عباد
 کیری قالمش اوله جق . بوده موافق دکلددر . اساساً بو
 انجمن بنه مجلسک دائره تدقیقندن خارج بر ایش یاییور
 ویاپامایددر . بنده کزک قناعتم بومرکزدهدر .
 امیر پاشا (سیواس) — افندم فوق العاده بر حال
 زمانده . فوق العاده یایلمش بر قانونک جاری اولسی لازمدر .
 بر احوالک اندفاعنه قدر بو قانونک جاری اولسی لازمدر .
 شمندی فوق العاده زمانلر انجمن یایلمش اولان بر قانونی علی العاده
 بر قانون کبی بر محکمه به تودیع ایتمک مسئله سی موافق اولاماز .
 بناء علی ذلک بز بو قانونی یایازکن هیچ بر دائره به ، هیچ

رئیس — خسته خانینی اوتوز کیشمک بردن زیارت
 ایتمسی موافق دکلددر . ذاتاً دیوان ریاست یالکیز کیتمز ،
 ایچمزدن بعض آرقداشلری ده آیر اویله کیدر .
 دو قنورقوؤد بک (بولی) — رئیس بک ازیارت یالکیز ،
 بوراده کی مجروحلره می مائدر ؟
 طونه لی حلسی بک (بولی) — افندم سوز ایسترم
 بر تکلیفم وار .

رئیس — نه به دائر اولدیغی بویله ییکیز !
 طونه لی حلسی بک (بولی) — مجلسک تطیلی ، تأحیل
 مذاکراتی تکلیف ایده جکم . اسپانی عرض ایده جکم :
 بویر حس و قلب مسئله سیدر . اصول زمانی دکلددر .
 بر آرقداشلرک حس و قلبنه رعایت ایدیورم . بنده جسمه
 و قلبمه رعایت ایده جکم کیز .
 رئیس — افندم خیانت وطنیه قانونک سسکیزنجی
 ماده سی معدل قانونی مذاکره ایدیوروز . سوز خلیل ابراهیم
 بک کیدر .

خلیل ابراهیم بک (انطالیه) — افندم عایسه
 انجمنی مضبوطه سنی تدقیق ایده جک اولورسه جق بریسی
 اساسه ، دیکری شکله عائد اولق اوزره ایکی قسمدر .
 اساسه عائد اولان قسمده اتفاق حاصل اولدیغی حالده ،
 شکله عائد اولان قسمده اتفاق حاصل اوله مامشدر . کذلک
 کرک اهنده و کرک علمنده چکن جلسه لرده بیانانده بولنان
 آرقداشلر برشیده اتفاق ایتمشدر که : مجلسک هیئت عمومیه سنه
 خیانت وطنیه اوراقی کلسون ، بوننر خصوصی بر یرده
 تدقیق ایداسون . و حکم و برلسون . یالکیز محکمه تمیزه
 و بریلوب و برله سنه کلنجه : بنده کزه قالیسه محکمه لر
 هر هانکی بر مسئله یی یالکیز قانونه ارتباط و مناسبتی نظر
 دفته آلهرق او صورتله تدقیق و حکم و برلر . بنده کزک
 قناعتجه بو یالکیز حقوق نقطه سندن دکل احوال و حادثه
 وطن مفهومی نقطه سندن دزدده تدقیق ایدمک ایجاب ایدر .
 آرقداشلر حق نقطه سندنه فضلله اصرار ایتدیلمر . یالکیز
 محکمه ده احقاق حق ایدلسون . فقط ک زیاده نظر اعتباره
 آله جفته زشی وطن مسئله سیدر . بونک خار جنده ماللرینی
 کوره بیلرز . مثلاً مقابله بالمثل ده باشقه بریسنک یایمش

لازمدر. لیکن تعدیل جائز دکلدر . قانونی حالیه محافظه ایتک شرطدر . بناءً علیه بوشرائطه بو صلاحیت آخر بریره تودیع ایدیلر مز . بنده کزک قباعتم بودر .

رفیق بک (قونیه) — اقدم بنده کز ظن ایدیورم که مسئله لایقوله تنور ایتشدر . بنده کز دن اول سوز سویلهن آرقداشلمزک بوقانونک موسمسز اولدیغنی ، ایجابسز اولدیغنی ممکن اولدیغنی قدر ایضاح ایتدیله .

چونکه هنوز خیانت وطنیه قانونک وضعی ایجاب ایدن اسباب ذئل اولمش دکلدر . خیانت وطنیه قانونی مرعی اولدقه اوقانونه توفیقاً بو اوراق بهمه حال هیئت جلیله کزه گلیدر . سکسنجی ماده نیک تعدیلنه لزوم کوسترن اسباب نهدر ؟ هیئت جلیله کزک بشقه ایشلرله اشتغالندن

ویریلن حکماری لایقوله واطرافله تدقیق ایتکه وقت بولمه مسندن ایلری کلشدر . بونک ایچون بنده کز برتقریر تقدیم ایدیورم و او تقریرده دیورمکه : خیانت وطنیه قانونی موجبجه حکمرا اعدامی متضمن ایسه هیئت جلیله کزک تصدیقه عرض اولنه جقدر . اکر اعدامی

متضمن دکلسه ، دیگر جزائی تضمن ایدیورسه عدلیه انجمنک تصدیقه اقران ایدر جقدر . تصدیق رفع ویا تعدیلی متضمن مقرراتده سکز آرقداشک امضاسی بولنسی شرطدر . خلاصه اوله رق مطالعم بوندن عبارتدر . اسباب موجبهمی تماماً سویلنمشدر اقدم .

وهی اقدمی (قونیه) — اقدم هر شیشک بدایتی نهایتندن اشد اولور . مجلس و بو حکومت بوراده تشکل ایدنجه برطاقم مناققلرک افساداتیله مملکتده برچوق شیر اولدی .

بوده خیانت وطنیه قانونی یامغه بزى اجبار ایتدی . فقط جناب حقدن ایسترم که بوندن صوکره نه بوقانونه بر علاوه ونهده . بوقانونک تطبیقنه احتیاج مس ایتسون . بوکون له الحمد بوده مملکتک هر طرفنده کسیامشدر .

له الحمد مملکتک هیچ بر طرفنده شوکونده محل آسایش و حکومت حاضرهمه مخالف برکیمسه ایشیتیموروز . خلق آکلادی ، دیکله دی . حقیقی تعقیبه باشلادی . بو ایشلر بیتدی . بناءً علیه بو مثللو شیرل آرتق کسیلمشدر .

بوزده برده اوله بیلیر . بتون بتون ده انکار ایتهمه لم .

بر محکمه یه ، هیچ بر هیئت بونک تصدیقنی ، بونک تدقیقنی بر اقدق . اسبابی ایسه فوق العاده لیکی در . فوق العاده یاپیش اولان بوقانونک بر محکمه یه ، بر هیئت و بولمسی دوعری اولیوب هیئت جلیله کز بو صلاحیتی آنجق کندیسنه

بر اقددر . و آنجق کندیسنه باقی قالدور . شمده بنده کز بوقانونک تعدیلی جهتنی قطعاً موافق کور میورم . بو قانون نارنجی بر قانوندر . بونک تعدیلی جهتته کیتک دوعری دکلدر . اکر بوقانونک اجراسنه بو قانونه عمل

ایتکه آرتق لزوم کورولمورسه بوقانونی باشند آشاغی قالدیرمق و صاقلامق لازمکلیر . تعدیل ایتک صورتیه بو قانونه دو قونمه ملیدر . بوقانونه لزوم وارسه ، و قیله ده دوشونولدیکی کبی هیئت بونک تصدیقنی ، تدقیقنی ، تحقیقنی

آخر بریره تودیع ایدر مز . و ایتسی طوعری دکلدر . چونکه اونک محاذیری دوشونولمش و نظر اعتباره آلهرق تصدیقنی مجاس کندیسنه بر اقددر . فصل اولورده شمده بوقانونک ماده سی تعدیل ایتک صورتیه بو صلاحیتی آخر

بریره تودیع ایدر بیایر ؟ شو حاده مجلس عالی کز بو اوراقک تدقیق و تحقیقنه بر انجمنک تدقیقنه قناعت ایدر مه مک و هیئت عمومیه ده تدقیق اولنسی ده بر آرزو کونکی

ایشلرک چوقاغندن طولانی ممکن کور میور ایسه کز عدلیه انجمنک بو تعدیل تکلیفندن مقصدی ده بوندن دولای کبی کلور . بنده کز قانیرسه استقلال محکمه لری شمده هر برده وار ، هر طرفده وار . شمده هیئت جلیله کزه تدقیق ایچون

تودیع اولنان اوراقی بنه بو هیئتک تدقیق ایتسی لازمکلیر . بو کبی اوراقی بوندن بویله استقلال محاکمه تودیع ایتک ایجاب ایدر . چونکه اولورده بزلردندر . کندیلرینه

صلاحیت ویرلشدر . تحقیق و تدقیقنه هر صورتله و قتلری مساعددر . بر مسئله نیک محلنده تدقیقنه ده مقتدر در لر . او صلاحیت تمامیه کندیلرینه ویرلشدر . محکمه تمیزه ویرلکدنسه استقلال محکمه لرینه تودیع ایتک لازم کلیر .

فقط ، اوراقک معامله سی ایچون بهمه حال هیئت جلیله کزک کافی السابق تدقیق ایتسی طوعری اولور . ظن ایدیورم . بوقانونک تعدیلی دکل ، لازم اولدیغنی مدتجه احکامنک تماماً تطبیق و محافظه ایدلمسی و لازم اولدیغنی زمان قالدیرلمسی

ریاست جلیله

خیانت وطنیه قانونک سکرنجی ماده سنک بروجه
آتی تعدیلنی تکلیف ایلم: اشبو قانونه توفیقاً محاکدن
صادر اولان مقررات بیوک ملت مجلسنک عدلیه انجمنجه
تصدیق و یارفع اولنور. تصدیق و یارنغ قرارلری اون
بش کشیدن عبارت اولان انجمن اعضاسنک اکثریت
مطلقه ببله اتخاذ اولنور. ۲۷ آغستوس ۳۷

قره حصار صاحب

محمدشکری

ریاست جلیله

خیانت وطنیه قانونک سکرنجی ماده سنک بروجه
آتی صورتده تعدیلنی تکلیف ایلم:

ماده ۸ - اشبو قانونه توفیقاً محاکدن صادر اوله حق
مقررات قطعیدر. اعدامی متضمن اولان مقررات هیئت
عمومیه جه و اعدامک غیرى جزایى تضمن ایدن مقررات
عدلیه انجمنجه بعد التصدیق مللرینده انفاذ اولنور. عدلیه
انجمنک تصدیق و یارفع و تعدیل ایده جکی مقررانک لاقول
سکرا اعضا طرفدن امضاسی لازمدر. تصدیق ایلمه بن مقررات
مجلس و انجمنجه اتخاذ ایله جک قراره توفیقاً تصحیح
ارنور. ۲۹ - آغستوس - ۳۷

قونیه مبعوثی

رفیق

ریاست جلیله

خیانت وطنیه دن دولایى محکوم اولانلردن یا سکز
مؤبد کورک و اعدام ایله محکوم اولانلر تصدیق و یا
ردی مجلس عالییه طأد اولوق اوزره دیگر اقسامک
دوغریدن دوغری به انجمنک تدقیقه اکتفا ایلمسک تعدیلنی
تکلیف ایلمر.

سعد

حاجی نوری

رئیس - افندم رفیق بیکک تقریرینی رأی عالیگزه
قویاجغ. (تکرار او قوندی) بو تقریری نظر اعتباره
آلانلر لطفاً ال قالدیرسون. (رد و الدری) رد اولندی.
(حاجی نوری افندینک تقریری تکرار او قوندی)
بو تقریری نظر اعتباره آلانلر لطفاً ال قالدیرسون.

شمدی افندیلر بونی قیامته قدر تطبیق ایده جکز دیه
اوغرا شه جق دکاز. آلتی آی، نهایت برسنه واریور
شوقانونی یاپالی، بومدت ظرفنده بوراده تدقیق ایتمکمز
بو قانونه عائد اولان اوراق قرق اللی بی کچه مشدر.
دفتره باقیاسه بو قدردر، احتمال بر آز داها فضا اوله بیایر.
بزم شمدی بو قانونک بر ماده مخصوصه سفی تعدیل ایتمه مز،
محکمه تمیزه حواله مز باشند آتمه دن باشقه برشی دکادر.
بونک ایچون جناب حق انشاء مظفریت لطف ایده جک
وصلحی تأمین ایتدکی، بو موفقیتی قراندقی، هله بو
کونلرده بر موفقیت قرانر سهق بو قانون ایله محکوم ولانلرک
جمله سفی عفو ایلمر کندی حسابمه. ظن ایدر سهم رفقای
کرامک جمله سفی ده بو فکرده در. افندیلر! ملتی بر طرفدن
دشمن قیریور، بر طرفدن ده ملت منکندن دور اولوب
دولته و ملتته منفعتدن کسیوروز. آنک ایچون سکز،
اون، یکریمی نه قدر اوراق کلورسه مجلس بو کانه حمل ایتمسون
بونی بیتره لم. بولایحه قانونیه تک ردینی تکلیف ای دیوروم.
رئیس - افندم سوز ایستنه بن یوق. تقریرلر وار
او قونه جق.

ریاست جلیله

خیانت وطنیه حکم لرینک بیوک ملت مجلسنجه
اعضاسی میاشندن منتخب بر انجمن مخصوص طرفندن
- هیئت عمومییه اوغرا دالمق اوزره - تدقیق و انجمنک
ویره جکی قرار دائره نده مقتضاسنک ایفاسی اسلم و اوفق
اوله جفندن تکلیف اولنان لایحه تک ردینی و معروضات
آفنه و جهله بر ماده قانونیه تک تثبیت و تکلیفک عدلیه
انجمنه حواله سفی تکلیف ایده در. ۲۷ آغستوس ۳۳۷
قره حصار شرقی مبعوثی

علی سروری

علی سروری افندی (قره حصار شرقی) - افندم!
بعض آردا شلر اوراقک، مجلسک عدلیه انجمنجه
تدقیقک مناسب اولدیغی سو بولیورلر. بناء علیه
بندگن او فکره اشترک ای دیوروم و تقریریمی کیری به
ای-تیوروم.

(رد صدالری) رد اولندی. (شکری بک تفریری
تکرار او قوندی) بو تفریری نظر اعتباره آلازلر لطفاً
القالدیرسون. (رد اولندی)

افندم! بر تفریر دها وار. قونیه مبعوثی وهی افندیگ
تفریری او قویه جغز .

ریاست جلیلیه

مذا کره اولنان لایحه قانونیه نک ردنی و معامله نک
نکافی السابق جریان ایتمنی تکلیف ایدرم .

۲۹ اغستوس ۳۷ قونیه

وهی

رئیس — قونیه مبعوثی وهی افندیگ تفریری
قبول ایدنلر لطفاً القالدیرسون. (قبول صدالری) قبول
ایدلمش و لایحه قانونیه رد ایلمشدر .

قومارک منعی حقیقه کی تکلیفک ردینه دائر عدایه
انجمنی مضطه می وار .

عدلیه انجمنی مضطه می

قومارک منعه دائر موش مبعوثی عبدالغنی و یوزغاد
مبعوثی سلیمان سری بکک طرفدن معطی مربوط ایچی
قطعه تکلیف قانونی انجمنمزه تدیق و مطالعه اولندی.
قانون جزانک قوماره متدائر اولان ایکوز قرق ایکنجی و پیا تقو
کشادایدنلر حقیقه کی ایچی یوز قرق او چنجی ماده لری مقدا
وقوعبولان بر تکلیف اوزرینه تعدیل و علی العموم قومار
اوینامق و اوینامق ده جرائم قانونیه عدایینه ادخال ایلمش
و کیفیت هیئت عمومیه جه در دست مذا کره بولنش اولغله
یکیدن تدیقات اجراسنه محل کوربله مدیکی کبی مذکور
تکلیفلرک احتوا ایتمدیکی مواد سائره تعرض مسکنه و اساساً
قوانین موضوعه ده موجود احکام و قابلیت تطبیقیه می
بولنمیان بر طاقم مسائله متدائر اولغله شایان التفات و قبول
اوله مدیغندن ردی اتفاقه تنسیب اولنه رق تصدیق هیئت
عمومیه تکلیف اولنور . ۲۱ نیسان ۳۷

کاتب مضطه محرری رئیس

کنفری سینوب ارضروم

نشئت ناظم محمد شوکت جلال الدین طارف

صاروخان نیکده قونیه سینوب

رفیق شوکت مصطفی حلمی رفیق حقی حامی

وهی افندی (قونیه) — افندم! بتون ماتلرک پایدار

اولمی صلاح حال ایله متصف اولمارینه باغلی اولدینی کبی بر
عائله نک ده پایدار اولمی او عائله نک از خلق نک

صلاح حال ایله متصف اولمیسه قائمدر . شمدی هر

بر لر یکزدن صور بیورم : قومار دنیلن شی نظر شرعیده

حرام اولدینی کبی عرفاً، عقلاً، عادتاً مضرتی موجب

اولدیغنده شبهه یوقدر . افندیلر قومار یوزندن خراب اولان

عائله لری، قومار یوزندن واقع اولان بلایایی اونوندقی ؟

قار انانلرک یکدیگرینه قارشى خصوصتی و یکدیگرینه

قارشى بر چرق مضرتی ایجاب ایتمشدر . بونک منعی

حقیقه کی بر ماده قانونیه نک شو مجلسدن ردی، بر حکومت، بر

حکومت اسلامیه و مجلس، بر مجلس اسلام اولمق اعتباریله بر جا

ایدرم، نصل رد اولنیور و بوردنصل قبول اولنیور؟ (قانون جزا

وار صدالری) قانون جزایی تطبیق ایتمسورلر . التکرار

حسن و لوکان یوزسکسان . رجایده رم عدایه دن ذاتیایه دق

اوصانق ، انشالله بو کرسیدن او قانونلرک یانمنسه دائر

بر قرار و یر یله جکدر . بونی ای بیلملی بو کرسیده عدلیه

قانونلرینک تماماً یا قیلمه سنه دائر بر قرار و یر یله جکدر .

بونک ایچون رجایده رم . بر منع مسکرات قانونی یایدق

نه قدر کورولتیلر چیقاردق .

شکری بک (قر حصار) — مع الناسف تطبیق

ایده میورز .

وهی افندی (دوامله) — ایدیورز . او قدرینه ده

ممنوتز . خاطر مده قالدیغه کوره معارض بر آرقداشمز

دیدکی که : افندیلر ! منع مسکرات قانونیه بن صوک درجه

معترضم . فقط بودغه استقلال محکمه سنه اعضا اوله رق

کیمدی کلدی . خلقده او قدر بر حسن تأثیر حاصل ایتمشدر که : دها

بو مجلسک بو قانونک فوقنده هیچ بر قانونی یوقدر دیدک .

او آرقداشمزک اسمنی ده سویله حکم . او آرقداشمزده

صاروخان مبعوثی نجاتی بکدر . ونم قولاغم بونی دویدی .

افندم رجایده رم . بونی کرسیدن سویلیدی . بونک کبی

افندیلر قومارک منعی حقیقه و بوکا جسارت ایده نلر حقیقه

جزا تعیین ایدم . آریجه بر ماده قانونیه چیقاریرسه . حق
بومجلس کندی شرف و حیثیتله متناسب بر قانون دها
چیقارمش اوله جقدر . رجا ایدرم . بوقانونی ردایتمک
دوغری دکلدرد و موافق اوله ماز . مذاکره ایدم
چیقارم . یاکنز تعدیل ایدم چکمز ماده لری تعدیل
ایدم .

رئیس — مساعده بیورک افندم! شوجهتی عرض
ایدم . عدلیه انجمنی مضبطه سی دوشربدن دوغری یورد
ایتمور . (مضبطه تکرار اوقوبندی .)
(توحید ایدلسون صدالری)

رئیس — بنده کزده بوجهتی سوپلورم . صوکره
انجمنک بوراده اعتراض ایتدیکی باشقه بر مسئله وار .
دیورکه : قومارک منعی حقنده ذاتاً بیهله بر قانون وار
وهیئت عمومیجه دردست مذاکره در . اکر موافق
کور یورسه کز توحید ایدرز .

امیر پاشا (سیواس) — بو قوانین موجوده منع
ایدمه مش دیمکدر .

رئیس — خایر افندم! قوانین موجوده دکل که پاشام .
اونی تعدیل ایچون تکلیف وارمش! برلشدیره چکمز
برابر مذاکره ایدم چکمز که دوغری در .

حقی حامی بک (سینوب) — بوتکلیفدن اول انجمن
عدلیه بنه قوماره دائر بر لایحه قانونیه ویردی . انجمن
لایحه سی تنظیم وهیئت جلیله تودیع ایتشدرد . واونک
ایچون بونک ایکنجی بر مذاکره سنه لزوم کورمه مشدره .
رئیس — او حالده موافق کور بیور ایه کز اونته کی
کاغده برلشدیرم . (موافق صدالری) عیاسیه خصوصیه
مدیرلرینک صورت تعیینلرینه دائر بر لایحه قانونیه وار
افندم .

افندم! قومار حقنده تعدیل ایتدکلی و حقی حامی بکک
بیوردقلمری قانون بوراده مربوط ایش . ایسترسه کز یازالم
اولجه بر کره اوقونسون بالاخره یازارز .

بصری بک (قره سی) — شمندی مذاکره ایدرسه کز
ظن ایدرم اصابت ایتمش اولماز .

ماده ۱ — قانون جزانک ۲۴۲ نجی ماده سی بروج

آنی تعدیل اولونمشدر : علی العموم قومار اوینایان و اوینانانلر
ایله قومار بازانجی کار و صنعت انخاذا ایدوب بر محل مخصوصه
خلقی دعوت ایله اراده قار اوینامق ایچون جلب و قبول
ایدن و صرافلق صورتیه اوراده انچه ویرن اشخاص
بر آیدن التی آیه قدر حبس اولنور و اون ایرادن بوز لیرایه
قدر جزای تقدی دخی آنور قومار تحلنده کی بالجمله نقود
واشیا ضبط و خزینه تسلیم اولنورق نقودک ربی تعقیب
و دردست ایدن مأموره اعطا اولنور .

ماده ۲ — قانون جزانک ۲۴۳ نجی ماده سی بروج
آنی تعدیل اولونمشدر :

پیاقر کشاد ایدنلر کذلک بر آیدن آلتی آیه قدر
حبس اولنور و اون ایرادن یوز لیرایه قدر جزای تقدی
آنور . پیاقوبه قونولمش اولان اشیا و نقود خزینه نامه
ضبط اولنور .

ماده ۳ — اشبو قانون تاریخ نشرندن معتبردر .
ماده ۴ — اشبو قانونک اجراسنه عدلیه وکیل
مأموردرد .

رئیس — بو قدردر افندم .
وهی افندی (قوتیه) — اوته کی ده اوقونسرن .
رئیس — اوننده اوقویالم افندم .

ماده ۱ — هر نه نام و صورتله اولورسه اولسون قومار
اوینامق و اوینامق ممنوعدر .

ماده ۲ — قومار اوینایان و اوینانانلر جرم مشهود
حائده یقالاندقلمری تقدیرده میدانده موجود آلات و اشیا
جرمیه ایله نقود مصادره اولنورق آلتی آیدن ایکی سنه
قدر حبس و مصادره اولنان نقود و اشیا قیمتک بر مثلی
جزای تقدی به محکوم ایدیلرلر .

ماده ۳ — خانه ، قهوه ، غازینو و امثالی تحت تملک
واستیجارنده بولونان محللرده قومار اوینانان شخص آلتی
آیدن ایکی سنه قدر حبس و املاک مذکوره قیمت
مقیده سنک بر مثلی جزای تقدی به محکوم ایدیلر .

ماده ۴ — قومار بازانجی و قومار اوینامقنی اعتیاد ایتدیکی
ضابطه محلیه دن مصدق هیئت اختیار به شهادت نامه سیله ثابت اولانلر
آلتی آیدن بر سنه قدر حبس جزا سیله مجازات اولنورلر .

ماده ۵ - قومار اوینامق و اوینامق جرمنن مظلوناً دردست ایدیلنلرک استنطاق و محاکمه سی موقوفاً اجرا ایدیلور .

ماده ۶ - قومار اوینایان و اویناتانلر صفت رسمه احکامیندن اولدقلری تقدیرده حقلمنده بالاده کی مواد حکامی تطبیق اولونقله برابر فی مابعد خدمات رسمیه ده قوللانیمه مق اوزره طرف ایدیلورلر .

ماده ۷ - قانون جزادکی قومار بازلفه متدائر اولان مواد احکامی مفسوخدر .

ماده ۸ - اشبو قانون تاریخ نشرندن اعتباراً مرعی الاجر ادر .

ماده ۹ - اشبو قانونک تطبیق احکامنه عدلیه و داخلیه و کیللی مأموردر .

موش مبعوثی عبدالغنی بکک تکلیفی :

قومارک منعه نأثر قانون

ماده ۱ - اسقانیل کاغذلرینک و طاولة زارلرینک تورکیا بویوک ملت مجامسی حوزه حکومتیه ادخالی ویا هر نه صورتله و هر نه شکلده اولورسه اوسون اعمال واستعمالی ممنوعدر .

ماده ۲ - اشبو قانونک تاریخ نشرندن اعتباراً قهوه خانه لرده و اصناف یدنده موجود او یون کاغذلری و طاولة زارلری حکومتیه تسلیم ایدیله جکدر .

ماده ۳ - اسقانیل و طاولة اوینامق و اوینامق ممنوعدر .

ماده ۴ - او یون ارینا تلدیفی صورت رسمیه و غیر رسمیه ده خبرالنن هر هانکی بر محله دخوله و تحرییه مأمورین انضباطیه مأذوندر .

ماده ۵ - اشبو قانونه مخالف حرکاتده بولونانلر یکر می بش ابرادن بشیوز لیرایه قدر جزای نقدی و برهفته دن آلتی آیه قدر حبس ایله مجازات اولورلر .

ماده ۶ - اشبو قانون تاریخ نشرندن معتبردر .

ماده ۷ - اشبو قانونک اجرا سنه داخلیه و عدلیه و کیللی مأموردر .

رئیس - افندم! ایکنجی لایحه یی ده یازمق ایستور .

هیسکر؟ (خایر سساری) از حلاله مذا کرده دوام ایدلمی؟ (دیگر بر اجتماعه صداری)

بصری بک (قره سی) - افندم! مساعد، بیورک اصول مذا کرده حقنده عرض ایده جکم . کرک یازدیغمز و کرک او قودیغمز ماده لری تثبیت ایدلم . لازمکن تدقیقاتی یابدقین صکره دیگر بر اجتماعه بونی مذا کره ایدلم . بویله ایکی ماده ایله قومارک منعی قابل دکلدر . هر حاله اطرافلی تدقیق لازمدر .

رئیس - بک اعلی او حاله جلسه آنیه به تعلیق ایدلم . افندم روزنامه ده اولاد شهدا ایچون بیاتقو کشادینه دأثر بر تکلیف وار . (کورولتیلر) مساعده بیوریکمز موافق کور بیورسه کنز اونی او قویلم .

امیرپاشا (سیواس) - قانون یانلزدن اول او اولسون . اقتصاد انجمنی مضطاسی

کندیلرینک تبجیل نامی ، کیریده بیر اقدقلرینک ترفیه حلی اوزرمزه فریضة وطنه اولان شهدا عانله لری حقنده بریاتقو ترتیب و کشیده سی ایچون موش مبعوثی سعید بکک تکلیفی انجمن مزده بویوک برعلاقه ایله کور . یشیلوب قونرشولدی . لایحه قانونیه مفادی ، شهدا ایتم و اراملنه جمع اعانه یی کوزتله مکدر . هر هانکی بر خدمت وطنیه بکدی بکریله مسابقه ایدن ، اعطای اماناننده سماحت ابرازایلین فدا کار ملت مز کیریشدی کمز و تیجه سنه مطمن القلب اوله رق انتظارده بولندیغمز شو حیات واستقلال غوغاسنده شهید دوشن قهرمانلرک ایتم و اراملنه قنادینی کر مکده ، قوجاغنی آچقده در . بنساء علیه اصل ماتمرک اخلاق و طبایعه پکده خوش کلین بیاتقو ترتیب و کشیده سی کبی طولاماجلی بوللردن جلب و جمع اعانه موافق مصاحت کور یله مدیکندن تکلیف مذکورک ردی ومع مافیله ماهیت مسئله حقنده هیئت عمومیه سنک نظر دقتک جللی تذکر قیلنمشدر . ذاتاً اصول و نظامنه توفیقاً بیاتقو ترتیب و کشیده سی دوائر متعلقه سنه طأد بر کیفیت بولوندیغندن انجمنجه پایبلاجق بر معامله کور یلده مش مضطه اوراق

اعضا	اعضا	اعضا	اعضا	مقرعه سیله هیئت عمومی به سوق اولونمشددر .		
ایز میت قره حصر صاحب	ایز میت خلیل نیبال	یوزغاد احمد	وان توفیق رئیس	اقتصاد انجمنی رئیس	مضبطه محرری	کاتب
				قونیه	آنطالیه	آطنه
					خلیل ابراهیم	
القالدیرسون. (قبول ایدلمشدر) اقدام! اون دقیقه تنفس...						



آلتمش سکنجی اجتماع - ایکنجی جلسہ

رئیس : رئیس ثانی دوكتور عدنان بك افندی

کاتب : راغب بك (کوتاهیہ)

۲۹ آگستوس ۲۲۷ - بازار ایرتسی - ساعت ۱۵، ۴ صوکره

رئیس - افندم جاسینی آچیورم. محاسبہ خصوصیه مدیرلرینک صورت تعینلرینه دائر لایحه قانونیه وارددر. اونو او قویه جغز .

هیئت وکیلہ زیاست جایله سنه

محاسبہ خصوصیه مدیرلرینک اوصاف و شرائط لازمیهی حائز و مسبوق الخدمه مأمورین میانسدن وکالت عاجز بجه تقریقسنه متدائر اولان لایحه کیفیتک معدل اداره خصوصیه قانونیه حل ایدیله جکی جهتله اعاده بیورلمش ایسهده اداره مذکورہ نك کون بکون کسبب ایلنکده اولدینی اهمیتنه مبنی انتظام و مکملیت اداره بی تأمیناً مدیره بتره عطف اهمیت ایدلسی لزومی مستغنی عرض بولمغله اداره خصوصیه قانوننک تدقیقاتی زمانه محتاج بولندیندن مذاکراتنک اکالیله تصدیقنه قدر تأخیری اخیراً مستقل حاله افراع ایدیلن لوالرک مأموریتنک تعینتی مقتضی بولندینی شو صرہ لرده محذور دن سالم اوله میه جنی جهتله لفاً تقدیم قلنان موادک مستعجلیت قراریله تدقیق و تسریع انتاجی خصوصنه مساعدده بویورلسی رجا اولنور افندم .

داخلیه وکیل نامنه صحیه وکیل

عدنان

اداره عمومیه ولایات قانوننک یوز ایکنجی ماده سنه مذیل مواد قانونیه صورتیدر :

ماده ۱ - محاسبہ خصوصیه مدیرلری ملحق لوالرده مستخدم محاسبہ خصوصیه مأمورلیله مال مدیرلرندن و محاسبه لوا و محاسبه خصوصیه ولایت باش کاتبلیله زراعت بانق شعبه سی مأمورلرندن و اجرا وکالتلری محاسبه میز و باش کاتبلرندن انتخاب اولنور .

ماده ۲ - اداره عمومیه ولایات قانوننک تدیل ایدیلن یوز ایکنجی ماده سی مقامنه قائم ۱۶ ربیع الاول ۳۳۹ و ۲۸ تشرین ثانی ۳۳۶ تاریخی قانون ایله محاسبه

خصوصیه مدیرلرینک مالیه وکالتنجه تقریقی لغو ایدلسنه مبنی ولایات طرفدن اشبو مواد مذیله نك برنجی ماده سنه توفیقاً شرائط لازمه بی حائز اولانلر میانسن انتخاب اولنه جق مدیرلرک تصدیق مأموریتلری داخلیه وکالتنجه اجرا ایدیله جکدر .

ماده ۳ - اشبو قانونک اجرای احکامنه داخلیه وکیل مأموردر .

ماده ۴ - اشبو قانون تاریخ نشرندن اعتبار

مرعی الاجرادر . ۲۸ - ۲ - ۲۳۷

عدلیه وکالتی وکیل شرعیه وکیل اجرا وکیللری هیئت رئیسی

محمد فهمی و مدافعه ملیه وکیل

فوزی

خارجیه وکالتی وکیل

داخلیه وکیل نامنه

احمد مختار

نافعه وکیل معارف وکیل

عمر لطفی حمد الله صبیحی

صحیه وکیل عدنان

اقتصاد وکیل

جلال

ارکان حریه عمومیه رئیسی وکیل

فوزی

داخلیه انجمنی مضبطه سی :

زیاست جایله یه

محاسبه خصوصیه مدیرلرینک صورت تعینلری حقننه اداره عمومیه ولایات قانوننک یوز ایکنجی ماده سنه ذیل اوله ورق هیئت وکیلجه تنظیم و داخلیه وکالتنک ۱۵ - ۲ - ۳۷ تاریخ و ۱۴۱۹۷ - ۵۹۴ نومرولی تذکره سبله تودیع قلنان لایحه قانونیه انجمنزجه لدی المذاکره تصویب ایدلمش اولمغله هیئت عمومیه یه عرض و تقدیم اولنور .

اعضا کاتب مضبطه محرری داخلیه انجمنی رئیسی

قیصری حمدی مظهر مفید

احمد حلمی

اعضا اعضا اعضا

قیصری قره سی وان

عاطف حاج محمد الدین حیدر

على سرورى افندى (قره حصار شرقى) — ماده لره
كچلمسى هيئت عموميه نك قبوليله اولور . بناءً عليه
سويلنه جك سوزوارسه هيئت عموميه سى ايچون سويله نكسى
لازمدر .

رئيس — مستشار بك هيئت عموميه سى ايچون وكالت
نامنه سوز سويله مك ايسته يورميسكن؟ بيورك .
داخليه مستشارى حميد بك — باشقه جه اعتراض
ايدن بوقى عجا؟ . . .

داخليه وكالتى واليرك صلاحيتنى بوقدر تجديدايده من .
افندم ! اساساً حق تعيين واليره و يرلمشدر . داخليه نظارتنه
برحق تصديق و يريليور . بو تصديقن مقصوده برقونطرو-
لدن عبارتدر ؛ تعيينلرده اصابت اولوب اولدينى تدقيقدر ؛
تصديق داتما ضروريدر . تصديق تصويب معنا سنى افاده
ايتز . وكالت رد ايتك حقنى حازدكدر . يالكز ياييلان
تعيين اصوله موافقميدر ، دكيدر ؟ موافقه قبول ايتك
مجبور ديمكدر . مع مافيه وكالت بونده اصرار ايتز . وكالت
(تشكر اولنور سسلرى) (مسئله بيتدى صدالرى)

رئيس — افندم قره سى مبعوثى بصرى بكك و عبد-
لغفور افنديك برتقريرلى واردر .
رياست جليله يه

قانون لايحه سنك ردينى تكليف ايده رز .

قره سى قره سى

بصرى عبدالغفور

رئيس — قانون لايحه سنى رد ايدنلر لطفاً اللرىنى
قالديرسونلر . (رد اولمشدر)

رئيس — مجالس اداره اعضالنه انتخابه دائر
آرقداشلردن برينك بر تكليف قانونيسى وار مستشار
بك ده بوراده اونى ده اوقويام و مذاكره ايده لم .
مقام جليل رياسته

اراضى واملاك و يركوسيله مكلف اولاملرندن ناشى
فكرندن ، علمندن استفاده ايديله جك بر چوق ذواتك
خدمات وطنيه سندن محروم براقلدقلىر بيستيله فيما بعد
مجالس اداره اعضالرينك انتخابلرنده و يركو ايله مقيد
طوتولاملرى ايچون كچن سنه و نظامنامه داخلينك هنوز

بصرى بك (قره سى) — اداره ولايات قانونك
۱۰۲ نجى ماده سى ؛ ماليه و كيل سابقى فريد بك طرفندن
مصرأ كوسترلين آرزويه رغماً هيئت جليله جه تعديل
ايدلمشدى . بو تدبلاته كوره محاسبه خصوصيه مديرلرينك
تعينى حقى ؛ تشكيلات اساسيه قانونيله كنديلرينه و يرديكمز
صلاحيتك ايجابى اولمق اوزره واليره توديع اولمشدى .
محاسبه خصوصيه مديرلرينى اسكيدن والير انتخاب
ايدر ، ماليه نظارتى تعيين ايدر . حلبوكه ولاياتك
مجلس مؤسساتندن معدود اولان اداره محليه تشكيلاتيله
بركره ماليه نظارتى آره سنده هيچ مناسبه يوقدر . ثانياً
دون تعديل ايتديكمز بر ماده بى بوكوز مركزيت اصوله
دوغرى ايكنجى بر تعديله تابع طومه مزده موافق دكدر .
اداره خصوصيه مؤسسات دوغرون دوغرى يه ولايتلره
مال ايدلمش مؤسساتدر . دواتر مركزيه نك بو مؤسسات
ايله علاقه سى اولسه اولسه بودجه لرينك داخليه وكالتنجه
تدقيق و تصديقندن عبارتدر . حق بز بونى بيله قبول
ايتك ايسته . بورز . ولايتك بوتون مقدراتى يدامانلرينه
توديع ايتديكمز واليره محاسبه خصوصيه مديرلرينك
تعينى حقنى بيله و ير مك ايسته مه مك ظن ايدر كه اك
قويو بر مركزيتيدر . بو لايحه قانونيه دن
آكلاشديغنه كوره بعض ولايات ، امور ماليه ايله علاقه دار
اولمايان بعض ذواتى محاسبه خصوصيه مديرينته تعيين ايتمش ؛
بو اوله بيلير . فقط قانونده اساساً محاسبه خصوصيه
مديرى اوله جق ذواتك مأمورين ماليه دن ، منتسبين
ماليه دن اولمى شرطى ذكر ايدلمشدر . ديمك : مسئله
قانونك تطبيق ايديلوب ايدلمه سى مسئله سيدر . آروجه
بو قانونه لزوم يوقدر . واليرك ذاتاً فعلاً بك محدود
اولان صلاحيتلرينى برده ائخديد ايتيم . تشكيلات اساسيه
قانونيله قبول ايتديكمز اساسلىر باطله لامش اولمايه لم .
بناءً عليه بو تعديلك بنده كز ردينى تكليف ايده رم .
(موافق صدالرى)

وهي افندى (قونيه) — اشراك ايدرز .
رئيس — افندم برنجى ماده حقننده سوز سويله مك
ايسته ين وارعى ؟

تطبيق ايدلديكى بر زمانده مجلس على يه برتمنى تقريرى ويرمشم . طول مدت داخلية انجمنده قالان بوتقريب داخلية انجمنك بامضبطة كوستردىكى لزوم اوزرينه وچكى دورۀ اجتماعيه صوكلرنده هيئت وكيه يه حواله ايدلمشدى . لكن برتميندن عبارت اولان بوتكليفدن بالطبع فوائد مطلوبه حاصل اوله مدي . بناء عليه مجلسه تعديلا قبول بيوريلان بلديه انتخاب قانوننده اعضاى منتخبه دن ويركو آرانلهمسى شرطك قبولى شو تكليف مده كى اصابته بر مثال اولديغندن بوجه زير مواد قانونيه نك تديقيله بانتيجه اكتساب ايله چكى شكلنك تطبيق ومرعيتى تكليف ايلرم .

۳۰ نيسان ۳۳۷

كوتاهيه

جميل

ماده ۱ - مجلس اداره اعضالنه انتخاب اولنه چق ذوات بوندن بويله ويركو ايله مقيد دكلدرلر . يالكز انتخاب اولونه چق اعضانك اوتوزياشنى اكمل ايتمش اولمى ومحلى نفوسنده مقيد واوقور بازار طاقندن بولنمى وخلق آراسنده سوء احوال ايله اشتهار ايتمش اولماسى شرطدر .

ماده ۲ - تاريخ نشرندن معتبر اولان اشبو قانونك اجراسنه داخلية وكالتى مأموردر .

داخلية انجمنى مضبطهسى

نومرو : ۱۶

مجالس اداره اعضاى منتخبه سنك ويركو ايله مكلفيتلارى قيدىنك الغاسنه دائر كوتاهيه مبعوثى جميل بك طرفندن ويريلان ولايحه انجمنندن توديع ايدلمش اولان ايكي ماده لك لاايحه قانونيه مواد آتبه دائره سنده تعديلا قبول ايدلمش اولمغله هيئت عموميه به تقديم اولنور .

ماده ۱ - مجالس اداره اعضالنه انتخاب اولنه چق ذوات شرائط معلومه قانونيه باقى قالمق اوزره ويركو ايله مكلفيت قيدندن وارسته در .

ماده ۲ - اشبو قانون تاريخ نشرندن معتبردر .

ماده ۳ - اشبو قانونك اجراى احكامنه داخلية وكيلى مأموردر .

۲۶ حزيران ۳۳۷

كاتب مضبطه محررى داخلية انجمنى رئيسى
قيصرى حمدى حكارى

احمد حامى مظهر مفيد

اعضا اعضا اعضا

قره حصار شرقى ابراهيم ثريا يوزفاد هاجم محى الدين مصطفي سرى

وهي افندى (قونيه) - افندم! مجلس اداره اعضا سنك ، معلوم اولدينى وجهله مملكتك اداره سنه حائذ اولان امورى دوشونمك ذاتك ، هر حالده او مملكتله علاقه سى زياده اولمق لازم كليز و بو علاقه ده املاك ايله ، عقار ايله ، ويركو ايله اولور . مسافر اولان بر آدم نفوس دفترينه قيد اولمغله ، مملكتله مناسبى اولمايه رق اداره اعضاسى تعيين اولنه چق . مملكتدن خبرى يوق ، مملكتله علاقه سى يوق ، مملكتله مناسبى يوق .. اوراده ايشنى كوره چك يا خود اونى شرف عد ايدم چك . بو : مملكتك حقيدر . بو : مملكتك حقنى مملكتك آلدن چيقارم قدر . رجا ايدرم بوتكليفك ردينى تكليف ايدىورم .

حمدى نامق بك (ازميت) - افندم! وهي افندى حضرتلرينك درميان بيوردقلى انديشه ؛ اكر داخلية انجمنك قبول ايتديكى شكلى مطالعه بيوريرلسه وارد دكلدر . بز يالكز ويركو قيدىنى اغو ايتدك . فقط بونك خارجدن اولمى قبول ايدلمش دكلدر . يعنى تكليف صاحبنك درميان ايتديكى كې دكلدر . بز مضبطه ده ديورزكه : ديكر شرائطى باقيدر ، يالكز ويركو قيدىنى لغوا ايتمشدر . معلوم عاليكز وقيله بصرى بك افندى برادر مز بلديه اعضاسى انتخاباتى ايچون عين تكليفى يامشدى . بزده او شكلى يامشدى . ويركو قيدىنى شوندن طولايى ذكر ايدلمش بر آدم اهالى قديمه دن اولور . فقط صاحب سامان اولمازده صاحب عرفان اولور . مملكت اونك فكرندن استفاده ايدم بيلير . بونك ايچون بونى علاوه ايتدك .

بصرى بك (قره سى) - افندم وهي افندى حضرتلرينك

اداره سنی، مملکتک احتیاجاتی ده ائی دوشونورک
 یوکسالسونلر . بوکاظن ایدرم وهی افندی حضر تتری ده
 حرارتله اشتراك ایتمشلردی . همزده عین حرارتله
 اشتراك ایتمشدک . ایشته بوده اونلرک غیرى بر
 شیء دکلدر . افندیلر! اعضا اوله جق آدملرک ویرکو
 کبی بر قید ایله مقید اولماسیدر . بزبونی ده
 سربست دهام برشکله صوقیورز دییوزک : او
 مملکت داخلنده اهالینک برلیسندن علم وعرفانه مجهزگیم
 اولورسه اولسون خلقلک اعتمادینه مظهر اولانلر مجلس
 ادارهیه اعضا انتخاب اولنه بیلیر . بونده قوروقجق برشی
 یوقدر . بونده یالکز بر اندیشه وارد . ویرکو قیدینی
 بر اققنه او کبی موافقی مملکت خلقلک اوزرتده تحکم ایدن
 بر طبقه سینه حصر دیمکدر ؛ بر صنفه امتیاز ویرمکدر .
 ایشته اوصنفک امتیازینی قالدیرمق ایسترنک بیض سببیز
 اندیشه لرله بو قانونی رد ایتدیرمک دوغری اوله ماز .

وهی افندی (قونیه) — بک وارددر . کورده جکسکوز
 شکری بک (قره حصار صاحب) — بنده کوز
 وارد اولدیغنه قانع دکلم . اورایه بر قید قویه بیلیرز .
 او مملکت اهالیتک برلیسی قیدینی قویقدن صوکره
 یابانجی اوله رق او مملکت نفوسنه داخل اولان
 اوله ماز دیرز . برلیسی اولاجقدر ، بناء علیه بو
 چوق لازمدر . مملکتک علم عرفاندن استفاده ایتک
 لازمدر . بیلیرمیسکوز ، مجلس اداره لرده کیملر وارد ؟
 بئم مملکتتمده مجلس اداره اعضالری وارد ، او قویوب
 یازمسی یوقدر . متصرفک قارشوسونده آل پنجه دیوان
 طورورلر . بونلرده مجلس اداره اعضاسیدر . بونی
 ایستمیوروز بز .

فوزی افندی (ارزنجان) — افندم! معلوم عالیکزدر که
 مجلس اداره لرده اعضای طبیعی وار ، اعضای متعجب وار .
 اعضای طبیعیار مثلاً : بزراعت مدیری ، بر مهندس ، بر
 فلان بونلر هپسی اعضای طبیعی میاننده بونلور . برقرار
 ویریلور . اعضاء متعجب نردن او کون بولنیمان اولور .
 اکثریت اعضای طبیعی لرده قالیور . سؤل ای دییورزنده بر
 ویردیکز قرار ؟ بو مملکتته مضرمیدر ، نافع میدر ؟

در میان ایتدکلری محذوره دائر حمدی نامق بک برادر مز
 مقنع جواب ویردیلر . بوماده ایله ویرکو قیدینک الفا
 ایدلک ایسته دیکی آکلاشیلور . برنی اوله جق ، دیگر
 شرائط وقیودنه ایسه یینه او مرعی الاحکام بولنه جق .
 فقط افندیلر ! بیل یورم . خاطر منده قالماش ، سکسان تاریخ نرند
 قلمه آنان تشکیل ولایات نظامنامه سیله ولایاتک اداره حاضره سنی
 ادامه ممکنمیدر ؟ دکلدر ؟ مجلس اداره لرک او مملکتته
 فائده سیعی وارد ، ضرریعی ؟ بو مملکتق نه کبی
 اداره ایله یورومتک ایسته یوروز ؟ حالا سکسان تاریخلی
 نظامنامه لرله می بومملکتی یوروتنه جکوز ؟ یوقه بو مملکتک
 احتیاجات حاضره سنی دوشونورک بو مملکتک احتیاجاتنه
 موافق قانونلری تنظیم ایده جکوز ؟ اداره ولایات قانونی
 داخلیه وکالتدن چیقیدینی حالده ظن ایدرم که آیلردنبری
 اوبویور . اداره ده هانکی سیدتمی ، هانکی اساسی
 قبول ایده جکوز ؟ بونی اول امرده حل ایتک واوندن
 صوکره درکه شکله عائد بو کبی مسائل ایله اشتغال ایله مک
 لازمدر . بناء علیه داخلیه وکالتی وداخلیه انجمنی ولایاتک
 اداره سینه عائد مطالعه می حقنده بوراده بزهر آرز ایضاحات
 ویرسونلر . بز آکلایم اوندن صوکره شکله عائد بو کبی
 مسائل ایله اشتغال ایدم . بنده کوز بو کیفیتک بو اساسک
 تثبیت و مطالعه سندن صوکره یه تملیقنی تکلیف ایدرم .

شکری بک (قره حصار صاحب) — وهی
 افندی حضر تترینک مطالعه می وارد اولمش
 اولسه ایدی : بنده تماماً اشتراك ایدرم . اندیشه لری
 تماماً وارد دکلدر . افندم! قانون بر نقطه نظر دن یازلمشدر .
 مجلس اداره یه انتخاب ایدیلر : اوزرتده املاکی اولانلردر .
 او مملکتته یتیشمش علم و عرفان صاحبی بولدیغی
 حالده یالکز املاکی اولماقدن طولای انتخاب ایدیلور . دیگر
 طرفدن املاکی وارددر فقط باباسنک اوزرتده در کندیسی
 صاحب کلاندر . املاکی اولماسی طولای بیسیله مجلس اداره یه
 اعضا اوله میورلر . افندیلر ! بز بو اندیشه ایله ایدی که
 بلدییه اعضا اوله جق لر ایچون ویرکو قیدینی قالدیردق .
 اوزمان حاکم اولان حسن نه ایدی ؟ مجلسلره او مملکت
 اهالیندن اولان منور آدملرده کیرسونلر ، مملکتک

دیور که : بیلیم . ایسته برشی ایتدیلمده متصرف امر یله بر
شی یاپک دیدی ، یابدق چیققدق . هیچ حریف مملکتک
ضررندن نمنندن ذره قدر علاقه دار اولمایور .

بند کوزک معروضاتم یالکیز ویرکواوزرینه دکل . یا او
مملکتک قدیمدن بری اھالیسی اولمق کی بر شرط قویملی بز
ویا للی سنه دنبری سساکنلرندن بولنلی . بند کوز
دیورم که : یالکیز متغابدن اولسون . دیورم که : متغابلرک
آلنده قالسون . فقط برسنه ، اوچ سنه ، بش سنه
ایچریسنده کلوب کندیسی مملکتک نفوسنه قید ایله
اداریه کیرمک ایسته ییلر مملکته خیر دوشونمزلر
ومملکتک نفع و ضرریله علاقه دار اولمازلر . اونک ایچون
بند کوزک معروضاتم مطلقا مملکتک قدیم اھالیسندن
وارباب عرفاندن اولماسنه دائر بر قید قویمقدر . او وقت
ویرکو سوزنی قالدیرک بویتر ؛ او مملکتده علاقه سی
بولنانلر دیمکدر . اونی قالدیر مقله شی ایتیش اولورز .
اونی تأمین ایده جک بر قید بولندیر ملی بز . یوقسه بویله
عمومی اوله رق رجا ایدرم یایماک . چونکه : ایشک
ایچنده بولونمشز ربونک فعلاً ضررینی کورمشز .
مثلاً : مجلس اداره ده مهندس دیورم که : بوقنه عاقددر .
اکثریت اولدی کیتدی . فقط یسنه بیوک بر ضرر ایراث
ایده جک بر قرار چیققیور . رجا ایدرم بونی دوشونک
اقدم .

طونالی حلمی بک (بولی) — الک صوگ سوزخواجه
اقدینک اعتراضلری اولور . مملکتده علاقه دار اولمق
درجه سی عجباً فصل تقدیر اولنیور بیله تم . بن مهاجر
کله جکم . بو ملک اسلامه صیغنا جقم . اھالی قدیمه دن
اولدیغ ایچین شو خصائله مالک اولدیغ حالده انتخاب
اولمیہ جقم ، فاضل اولامیه جقم ! ایلری به سوریلن تکلیف
یازیم عصرلق ، بر عصرلق اھالی قدیمه دن اولمق اساسیدر .
آرقداشلر ! بو مملکتی قور تاراجق نفوسدر . خارجدن
جلب ایده جک ککر مسلمانلردر . اکر بو مملکتک بوشاغنی
مسلمانلرله دولدیر مازسه ق — الله قوروسون — باشقعلری
دولدیرر . (اوباشقه مسئله سوزنی کری آل سسلری)
عینی مسئله اقدم . بوسوزی کری به آل دیورلر . ماده یه دائر سوبله

یورم . رئیس بک ! بن کلیرم بومملکتده نفوسمی قید ایتدیرم ،
یرله شیرم . ایکی سنه ، اوچ سنه اولمق شرطیله نیله بیلیر . بسکه
مجلس اداره اعضاسی اولا بیلیم . مملکتده علاقه دار لغمی
اثبات ایده جکم چوق رجا ایدرم . بتون روحزک قارشو -
سنده بتون صمیمتله اثبات ایدیورم . بنی دیکلر بک ! بن
بر مهاجرم قارشیمده تلفظ ایدلن سوزلر بنی بر قاج دفعه
علاقه دار ایتیش و بنم کی مهاجر اولانلری رنجیده ایتمکده
بولمشدر . مملکتده علاقه دار اولان کیم ایش ؟ بومملکتده
اراضیسی اولانلر ، بو مملکتده املاکی اولانلر .
شوسی بوسی اولانلر مش . بن ماده قانونیه ایچون چیقمامد .
آچق بویلیورم اقدم . بوسویلنیلن سوزی رد ایتک ،
جرح ایتک و بردها تکرار ایتدیرمه مک ایچون چیقمد .
تکرار ایتدیرمیه جکم . جبراً دکل ، فقط قناعت وجدانیه
حصوله کتیره رک .

بسم آتالای بک (کوتاهی) — نه چاره که مملکت
بونک عکسفی دوشونیور .

طونالی حلمی بک (بولی) — اقدم بر کون بریده م ...
صدق بک (ملاطیبه) — ماده یه دائر سوبله حکایه یه
لرزم یوق .

طونالی حلمی بک (بولی) (دوامله) —
آرقه مدن دیلیورم که : مملکتده دیکیلی آتاجی اولماکن آدم
البدنه بویله یاپار ، بویله یابدیرر . بونی ایشیدن فقط اونک
قلبی مملکتده مر بوطدر . فقط بنم قلم بوتون سسلطنت
و خلافته مر بوطدر .

رضا نور بک (سینوب) — اقدم بوم مسئله ظنجه
مهم بر مسئلهدر . مجلس اداره اعضالری او مملکتک بیوک
ایشلرینی کوریسورلر . بونک ایچون ؛ او مملکتده ای
باقا بیله جکر ، ای ایش کوره بیله جکر . مطلقا اھالیدن
اولان انسانلردر . چونکه او مملکتکی اولنلر ده ای بیلیرلر .
مطلقا بورا په انتخاب اولنه جق اعضانک او مملکت افرادندن
اولمی طرفداریم . اونک ایچون شویله بر تعدیلات
یاینامی ایچون بر تکلیفده بولنیورم و بو خصوصده بر تقریر
ویردم . ماده ده دیورم که : انتخاب اولنه جق اعضانک او تویاشنده
اولمی شرطدر (اونی انجمن تصحیح ایتدی سسلری)

ماده ۳ - اشبوقانونك اجراى احكامنه داخله كالتى

مأذوندر . ۱۹ مارت ۳۳۷

عنايه وكالتى وكىلى شرعيه وكىلى اجراء كيللرى هيئتى ريشى
محمد فهى مدافعه مليه وكىلى

فوزى

ماليه وكىلى خارجه وكالتى وكىلى داخله وكىلى نامنه
فرید احمد مختار احمد مختار

اقتصاد وكىلى نافه وكىلى ۱۰ مارف وكىلى
محمود جلال عمر لطفى حمد الله صبحى

اركان حريمه عموميه وكالتى وكىلى صحيه وكىلى
فوزى دوكتور رفیق

نبيل افندى (قره حصار صاحب) - شمى افندى

بواقونان لايحه قانونيه بحت اولان ناحيه تشكيلى
طوغرىدن طوغرى به اداره ولايات قانونى موجدنه

مجالس عموميه عايندر . اوراده صراحت بيان ايدر كه:
بر ناحيه مركزينك تبديلى ويا مجدداً بر ناحيه تشكيلى

ويا خود بر قره نك ديكر ناحيه به ربط والحاقى طوغرىدن
طوغرى به اداره ولايات قانونى موجدنه مجلس عمومى به

ورلمشدر . بوراده مذا كره ايديه من بو حق اولركدر ،
ردى تكليف ايدهم .

وهى افندى (قونيه) - افندى نبيل افندى سويديكى
طوغرى اولمله برابر ايكي ناحيه لغو ايدىوروز ، ايكي

ناحيه تشكيلى ايدىوروز لغو ايده جكمز ناحيه لر زه لرده در؟
تشكيلى ايديه جك ناحيه لر زه لرده در؟ لغوى لازميدر؟

دكليدر؟ بولزومه دائر محلى مبعوثلى ايضاحات ورسون .
جاويدىك (قارص) - بوايشلر حقنده وان مبعوثى

آرقداشلمز ايضاحات ويره بيليرلر . فقط كيمسه سوز
آلدى . بنده كز ايكي سنه وانده بولونديغ اچون عرض

ايده جكم : بونلر بوش اولان ناحيه لر در . اهالىسى برلرينه
كيدمه مشدر ، يكيدن ده اسكان ايديه مه مشدر ، بوش طور ييور .

يكيدن تشكىلى تكليف ايدىلان ناحيه لرده غلبه لقدر ، عشار
چوقدر ؟ قره حالنده اداره سى مشكلدر . بونك اچون تكليف

ايدىليور . اكر ولايت قانونلرني حاجلا مذا كره ايدوب چيقاره .
جقه سق بونى تاخير ايدلم . فقط اوزون زمانلر در طور ييور .

هيچ اولمازه محلى نفوسنه لاقلا اون سنه نبرى مقيد
اولمق ، اوراده ساكن اولمق ، شرطلرني قويمق ديكر طرفدن ده
اوقور يازار طاقتدن ديمش . ترجيحاً بر مكتب عاليدين
ويا سائر دن اولانلرى ديتالميدر . مثلاً : مكتب
عاليدين ، مكتب اعداديدن مأذون اولانلر دها ايايش
كورده بيليرلر . بنده كز بو اعتقادده يم .

بصرى بك (قره سى) - مع الاسف اويله دكل .
رضا نور بك (سينوب) - سزده اونى ادا ايدىكز ،

اثبات ايدىكز . شمى اونى براقىكز رجا ايدرم . بن
سويابه جكمى سويابه سزده سو كره سويالرسكز .

بنده كزك اعتقادم بودر . قانونه بو طرزده برشى علاوه سى
شرويدر بونلرى تكليف ايدرم .

بصرى بك (قره سى) - بر مسئله مستأخره حقنده
بر تقريرم وار . اونك لطفاً ايقونمىنى تكليف ايدرم .

رئيس - افندى بصرى بكك اصول مذا كره به دائر
بر تقريرى واردر .

رياست جليليه

مجالس اداره اعضاسنك وركيدن استئناسنه دائر
اولان تكليف قانونينك يكي اداره ولايات ، تشكيلى

ولايات قانونلرينك زمان تدقيقنه تعليقى تكليف ايدرم .
قره سى مبعوثى

بصرى

رئيس - افندى بو تقرير اصول مذا كره به دائر در .
رايكزه قوياجم . قبول ايدنلر لطفاً اللرني قالديرسون .

(قبول ايدلدى)

وان ولايتى داخلنده ايكي ناحيه نك لغوبله يرينه ديكر
ايكي ناحيه تشكيلى حقنده لايحه قانونيه وار .

قانون لايحه سى صورتيدر :

ماده ۱ - وان ولايته ماحق كواش قضاسى داخلنده
(قارقار) و وان مركز قضاسنه مربوط (اوهرك)

ناحيه لرى لغو ايدىلرك ارچيش قضاسى داخلنده (ذيلان
دره سى) و (صارى صو) ناميله مجدد ايكي ناحيه تشكيلى

ايدلمشدر .

ماده ۲ - اشبوقانون تاريخ تبليغندن اعتبار امر عيدر .

احتمال که چیتیمی ایچون اوزون مناقشه لره احتیاج واردر.
اونک ایچون حکومتک تکلیفی قبول اتمک اهلینک
دها زیاده نفعه در. احواله قبولی لازمه در.

حق بک (واز) — بنده کزده جاوید بکک بوورد قلمی
سویله جکدم، ایضاخ بووردیلر. اقدام بوایکی ناحیه نیک
قبولی اهالی ایچون نافه در.

جمدی نامق بک (ایز میت) — اقدام بنده کز بو قرارک
امضاسنده بولونمادم. نیل افندی حضر تلمینک بیان
بوورد قلمی مطالعه وارد دکدر. چونکه مسئله تبدیل
ویا تحویل ارتسباط کبی برشی دکدر. ایکی ناحیه لغو
ایدیلور، یرینه ایکی ناحیه تشکیل ایدیلور. معلوم
تالیکز یکی یاسیلان تشکیلات ایچون بو نقطه دن طولانی
قانونه احتیاج واردر.

رئیس — قانون ذاتاً بر ماده در. بوسویله ن لاقیر دیلر
هم هیئت عمومیه سنه، هم ده ماده یه طأد اولور. باشقه
سوز ایستین واری؟ (خایر صدالری) احواله ماده یی

تکرار او قویاجغز (برنجی ماده تکرار او قوندی)
رئیس — ماده یی قبول ایدنلر لطفاً اللریخی
قالدیرسون: (ماده قبول ایدلمشدر.)

(ایکنجی ماده تکرار او قوندی)
رئیس — ماده یی قبول ایدنلر لطفاً ال قالدیرسون.
(قبول ایدلمشدر)

(اوچنجی ماده تکرار او قوندی)
رئیس — (داخلیه وکیلی مأموردر) شکنده ماده یی قبول
ایدنلر لطفاً اللریخی قالدیرسون: (ماده قبول ایدلمشدر) (تعیین
اسامی لازم سسلری)

رئیس — تعیین اسامی یه لزوم یوقدر. مستمجهلیت
طلب ایدله مش اونک ایچون ایکی دفعه مذا کره ایدیله جکدر.
قانونک ایکنجی مذا کره سنه کچلمسنی قبول ایدنلر لطفاً
الریخی قالدیرسونلر: (قبول ایدلمشدر) پنچشنبه کونی اجتماع
ایدلمک اوزره جلسه یی تعطیل ایدیورم.
۴،۴۵ صو کره اجتماعه نهایت ویرلدی.



آقره: تورکیا بوپوک ملت مجلسی مطبعه سی